



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lvstgartlein Einer Heiligen Liebe

Boyman, Jakob

Cölln, 1650

Cap. X. Dieselbe Lieb zeigt sich in eüsserlichen Tugendsamen wercken.

urn:nbn:de:hbz:466:1-45647

42 Die Seelen im Fegfeuer.
theil vnderwerffen : Will / die vno-
ordentliche Schamhaftigkeit mei-
stern / anderer Urtheil von mir /
vnd geringe Schätzung vbertra-
gen : vnd mich niemahlen / durch
Ansehen der Menschen / vom Gu-
ten lassen abhalten / oder zum Bö-
sen anführen. Laß dir dieses /
mein wiewol geringes Opffer ge-
fallen / O Gott / vnd denen See-
len sonderlich zu Nutz kommen /
welche wegen dergleichen Anmu-
tungen gestrafft werden : vnd was
denselben manglet / erstatte durch
deine Barmherzigkeit.

Das X. Capitel.

Dieselbe Lieb zeigt sich in eusserli-
chen Tugendsamen
Wercken.

I. **B**Reche Morgends dem Schlafft
was

was ab/sonderlich wan dich mehr schläferet/ oder wan es/der kält wegen schwer fällt:vnd opffere dasselbe für gewisse Seelen auff.

2. Mache etliche gewisse Seelen theilhaftig deiner leiblichen arbeit; sonderlich wann sie mühselig / vnd langwierig ist.

3. Übertrage/ etlichen gewissen zu Lieb/ die Sommers Hitz/vnd Winters Kält.

4. Laß dich nit die vngellegenheit des luffts oder wetters/von Kirchen/ vnd Gottes-dienst abhalten/vnd wan sonst die selbe fürfält/leide sie gern für etliche Seelē:

5. Besuche gewisse Kirchen/zū gewissen zeiten/für etliche Seelen / vnd bette sonderlich für die jenige/deren Leiber als da begraben seind.

6. Setze dir selbst ein Fasten / gewisse Stunden lang/ auff gewisse tag/ oder enthalte dich von gewissen speisen/ oder niesse schlechtere/ als du sonst pflegst/für etliche Seelen.

7. Ube ein demütiges/ vnd niderträchtiges werck/ welches du sonst nit pflegest/ gewissen Seelen zu Lieb.

8. Mache

8. Mache dir selbst ein vngelegenheit/in
stehen/ knien / ligen/sitzen/ mit außstreck-
ung der Armen für etliche Seelen.

9. Enthalte dich gemächlicher/ vnd lüsti-
ger sachen / vnd gebrauche schlechtere/
vnd zu welchen du weniger lust hast: für
etliche Seelen.

10. Bewahre deine Augen allenthal-
ben/vor frembden/ vnd fürwitzigen din-
gen: etlichen Seelen zu lieb.

11. Verschliesse deine Ohren / allen/
müßigen/eiteln/ kurzweiligen/ vnnüt-
zen/frembden/ schädlichen/ vnzümblichen
reden/Gewissen Seelen zu trost.

12. Zähme deine Zung/dz sie nichts ver-
gebliches/ eiteles/ vngbürlisches/ schäd-
liches rede : oder auch gewisse Stunden
lang/gar nichts rede/als was ganz noth-
wendig ist/für Gewisse Seelen.

Zu einem jeden auß obgemelten stucken/
kannstu diese / oder dergleichen weiß mit
dem Herzen oder Mundt vben.

O Allerbarhmherzigster Gott / den
N. N. Seelen zu lieb/ vnd dir
zu Ehren / will ich dieses N. thun/
(oder